

Ammasumik ataatsimiinnermi oqaluuserisassat:

- Imm. 01** Oqaluuserisassat akuersissutigineri.
- Imm. 02** Allaffeqarfimmiit paasissutissiineq.
- Imm. 03** Sisimiuni Maniitsumilu Teknikkimut, Pilersuinermit Atortulersuutillu pillugit qaammammut nalunaarussiaq oktoberi 2017.
- Imm. 04** Sisimiuni atuiffik 2 TEKNIK aamma atuiffik 6 PILERSUINEQ-mi missingersuutitigut nuutsisoqarnissaa pillugu innersuussut.
- Imm. 05** Missingersuutitigut nuutsinissat 2017, Maniitsoq.
- Imm. 06** Mittarfikup eqqaani inuussutissarsiornermut immikkoortumi B8.2-mi sanaartorfissagissaaneq.
- Imm. 07** Maniitsumi arsaattarfik ivigaaraasalik.
- Imm. 08** Qeqqata Kommunianut Kukkunersiuisut nalunaarutaat nr. 26.
- Imm. 09** Tamalaat

Ataatsimiinneq videokonferenci atorlugu ingerlanneqarpoq aallartillunilu nal. 08.33

Peqataasut:

Siumut

Frederik Olsen – Sisimiut
Karl Lyberth – Maniitsoq

Inuit Ataqtigiit

Sofie Dorthe R. Olsen - Maniitsoq

Nalunaaruteqarlutik peqataannigitsut:

Gedion Lyberth - Maniitsoq
Emilie Olsen - Sisimiut

Nalunaaruteqaratik peqataannigitsut

Imm. 01 Oqaluuserisassat akuersissutigineri

Oqaluuserisassat akuersissutigineqarput.

Imm. 02 Allaffeqarfimmiit paasissutissiineq

Ole Thor – Maniitsoq

Illorput 2100-liassaq Kangaamiunut tikippoq, sanaartorneqarnissaalu aallartinneqassalluni. Varmevekslerissap nutaap utaqqinerani ikuallaavik qaammatit marluk uninngareerluni ingerlaqqilerpoq. Ivissuaateralaani kuuffissuarmit kuuffik aserorsimavoq, taarserneqassallunilu. Ingerlatsinermi ingeniøritut atorfimmumut qinnuteqartoqanngilaq. Atorfik saqqummiunneqaaqissaaq.

Hans Ulrik Skifte – Sisimiut

Sannavimmi aqutsisoq qaammatini arfineq-marlunni sulinngiffeqarpoq (orlov). Apinissaa sioqqullugu, aputaajaasarnissaq pillugu isumaqatigiissutissat suliariumannittussarsiuunneqarput, matumanilu Permagreen aamma Polar Entreprise ajugaasuullutik. Sisimiuni ikuallaavimmi atortussat nutaat, eqqakkanut eqititerut uuliakumullu ikuallaassut, iluatsittumik atulereerput. Kingullertut eqqaaneqartoq atorlugu aggustimit uulia 100.000 ikuallanneqareerpoq, imaappoq, ikuallaasinnaanermut ukiumoortumik akuersissutip affaa naapertorlugu ikuallaasoqareerluni. Nukissorfimmumut kissamik tunisisarneq uuliakumut ikuallaatip killilimmik patajaallisissavaa, kissamimmi tunisisarneq ikuallaaviup pitsaavallaannginneratigut annertuumik unammillernartoqarami. Eqqakkat amerlangaarmata, eqqakkanik eqiterutip pitsaasumik sunniutaa piffissami aggersumik malunnaataavallaassanngilaq. Illoqarfimmi sunniuteqarluartumik takujuminarsaaneq sammeneqarluarpoq, kommunillu pigisanik inuttassarsiuussisarfittaani inuttassarsiuunneqartut arlaqarlutik. Suliaq tamanna siunissami suli annertusineqassaaq, nukissalli suliassallu annertussusaa patsisaalluni piffissarnartornassalluni. Sisimiuni umiarsualivimmi ingerlatseqatigiiffiliornissamik suliniut, Namminersorlutik Oqartussanit pisarialimmit akuerineqarnissaa suli utaqqineqarpoq, kommunilli umiarsualivimmilu siunnersuisoqatigiit akissutissamik noqqaallattaajuartarput.

**Teknikkeqarnermut, Aatsitassarsiornermut Avatangiisinullu ataatsimiititaliap november-ip 07-ani
2017 ileqquusumik ataatsiminnerani imaqarniliaq 07/2017**

Imm. 03 Sisimiuni Maniitsumilu Teknikkimut, Pilersuinermit Atortulersuutillu pillugit qaammammut nalunaarusiaq oktoberi 2017.

Journalnr 06.01.02

Pissutsit atuuttut

Atuineq / isertitat atuiffinnut ataasiakkaanut ukiumut tamarmiusumut agguataarneqanngilaq.

Konto 2 – Teknikkimut tunngasut: Sisimiut - Maniitsoq

TEKNIKKEQARFIK SISIMIUT - MANIITSOQ		Budget	Tillæg	Omplac.	Bevilget	Forbrug	Rest	Forbrug
Kt.	Kontonavn	(1.000 kr)	(1.000 kr)	(1.000 kr)	(1.000 kr)		(1.000 kr)	i %
20	AQQUSERNIT, IKAART.TUMMEQQAT	8.074	0	800	8.874	4.853.164	4.021	54,7
21	SALIINEQ APUTAAJAANERLU	8.861	0	0	8.861	7.074.708	1.786	79,8
22	PISUUSSUTIT UUMASSUSILLIT	393	0	0	393	123.413	270	31,4
23	KOMMUNIP INGERLATSIVII ASSIGIINNGITSUT	4.370	0	0	4.370	3.672.304	698	84,0
24	KOMMUNIP ILLUUTAANIK	-2.286	0	0	-2.286	-2.168.451	-118	94,9
25	QATSERISARTOQARNEQ	6.904	300	0	7.204	6.814.769	389	94,6
27	TEKNIKKIKKUT INGERLATAT ALLAT	12.494	0	0	12.494	7.918.407	4.576	63,4
2	TEKNIKKEQARFIK	38.810	300	800	39.910	28.288.314	11.622	70,9

Sisimiuni Maniitsumilu Teknikkimut tunngatillugu katillugit missingersuutaasuniit 39.910 mio. koruuninit atuineq 70,9 procentimiippoq.

Atuiffik 25 Qatserisartoqarneq, aasaq qaqqani arlaleriarluni ikuallattoqarnera pissutaaqataalluni atuineq qaffasingaatsiarpoq.

Atuiffeqarfinnut 2 + 6 + 7 ilaatigut nuutsisoqarnissaa pisariaqarpoq, taakku pillugit oqaluuserisassaq alla takujuk, tassani nuutsinissat ataasiakkaat nassuiarneqarput.

Konto 6 – Pilersuinermit tunngasut: Sisimiut - Maniitsoq

PILERSUIVIIT SISIMIUT - MANIITSOQ		Budget	Tillæg	Omplac.	Bevilget	Forbrug	Rest	Forbrug
Kt.	Kontonavn	(1.000 kr)	(1.000 kr)	(1.000 kr)	(1.000 kr)		(1.000 kr)	i %
66	EQQAAVEQARNEQ	-359	0	0	-359	-1.273.632	915	354,8
68	PILERSUINERIT ALLAT	3.508	0	0	3.508	3.818.005	-310	108,8
6	PILERSUIVIIT	3.149	0	0	3.149	2.544.373	605	80,8

Sisimiuni Maniitsumilu pilersuinermit tunngatillugu missingersuutaasuniit 3.1 mio. koruuniniit atuineq 80,8 procentiuvoq.

Atuiffik 66 Eqqaaveqarneq, eqqaaviit imaarneqarnerinut sullissisumut akiliutissat siumoortumik innuttaasunut akiligassiissutaasarpup aammalu taamaalilluni atuinermit eqqunngitsumik takutititsinnaalluni.

Atuiffik 68 ikuallaavimmut tunngavoq aammalu Sisimiuni ukiup affaani siullermi kissamik tunisinerup appasippallaarujussuarnera atuinermit sunnuteqarpoq. Nuutsisoqarnissaanik oqaluuserisassami ilaatigut kissamit tunisinermit isertitassat amigaataasut matussuserneqarnissaanut nuutsisoqarpoq.

**Teknikkeqarnermut, Aatsitassarsiornermut Avatangiisinullu ataatsimiititaliap november-ip 07-ani
2017 ileqqusumik ataatsimiinnerani imaqarniliaq 07/2017**

Konto 7 – Sanaartornermut: Sisimiut - Maniitsoq

SANAARTORNERMUT TUNNGASUT		Budget	Tillæg	Omplac.	Bevilget	Forbrug	Rest	Forbrug
Kt.	Kontonavn	(1.000 kr)	(1.000 kr)	(1.000 kr)	(1.000 kr)		(1.000 kr)	i %
70	SANAART.TUNNGASUT	21.600	35.064	-8.800	47.864	18.775.627	29.088	39,2
71	SANAART. ALLAFFEQARFIK	600	0	1.300	1.900	468.150	1.432	24,6
72	SANAART.TUNNGASUT TEKNIKIMUT TUNNG.	30.999	10.520	3.825	45.344	12.576.915	32.767	27,7
73	SANAART.TUNNGASUT	0	0	300	300	82.506	217	
74	SANAART.TUNNGASUT ILAQUTARIINNERMUT	1.200	-88	1.325	2.437	277.403	2.160	11,4
75	SANAART.TUNNGASUT ATUARF.KULTUR	21.900	12.072	2.050	36.022	8.865.024	27.157	24,6
76	SANAART.TUNNGASUT PILERS.TUNNGASUT	3.500	1.563	0	5.063	3.349.187	1.714	66,2
77	SANAART.TUNNGASUT NUNAGISSAANEQ	5.500	10.280	0	15.780	1.995.066	13.785	12,6
7	SANAARTORNERMUT TUNNGASUT	85.299	69.411	0	154.710	46.389.879	108.320	30,0

Sisimiuni Maniitsumilu sanaartornermut tunngasunut tamakkiisumik missingersuutaasuniit 154.710 mio. koruuniniit atuineq 30,0 procentimiippoq. Naatsorsuineq taanna Sisimiunut Maniitsumullu kiisalu sumiiffinni kodenut 00 imaluunniit 90-talinnut atuiffinnut ataatsimoorussanut tunngavoq.

Atuiffeqarfimmi 7-imi atuineq appasissorujussuuvoq, sanaartornissamat aningaasartallit annertulaartut suliasat arlallit soorlu Kangerlussuarmut aqqusineq, imeqarfiup killeqarfia eqqarsaatigalugu Namminersorlutik Oqartussanit akuersissuteqarnissamik utaqqisaqartoq aamma sanaartorfissagissaanissat kiisalu tuniniaavik pilersaarusiornissamat tunngavissamik utaqqisaqartoq pissutigalugit. Illoqarfinni marluusuni innarluutilinnut inissiassat 16-it iluatungai suliaralugit ingerlapput. Sisimiuni asfalterinissamat pilersaarut aserortoortoqarnera aammalu RAL-imit bituen tunniunneqarnerata kingusinnera pissutaallutik naammassineqanngitsoorpoq. Kangerlussuarmi Illorput marluk naammassipput iserterfigineqarlutillu, pingasut nutaat toqqaviliorlugit ingerlannqearput.

Innersuussut

Teknikkimut Avatangiisinullu Immikkoortortap Teknikkimut Avatangiisinullu ataatsimiititaliamut innersuussutigaa, 2017-imi oktoberi qaammataanut Sisimiuni Maniitsumilu Teknikkimut, Pilersuinermut Sanaartornermullu nalunaarusiaq tusaatissatut tiguneqassasoq.

Aalajangiineq

Tusaatissatut tiguneqarpoq.

Ilanngussaq

1. Balance 31.10.2017

Imm. 04 Sisimiuni atuiffik 2 TEKNIK aamma atuiffik 6 PILERSUINEQ-mi missingersuutitigut nuutsisoqarnissaa pillugu innersuussut.

Journalnr.06.01.02

Tunuliaqutaq

Sisimiuni Teknikkimut Avatangiisinullu immikkoortortaarfik, ukiup missingersuuteqarfiusup 2017-ip sinneranut missingersuutit nalimmassarniarlugit - ingerlatsinermut atuiffinni Atuiffik 2 TEKNIK aamma Atuiffik 6 PILERSUINEQ missingersuutitigut nuutsisoqarnissaanik arlalinnik qinnuteqaateqarpoq.

Maleruagassatigut tunngavissat

Qeqqata Kommuniani karseqarnermut naatsorsuuserinermullu malittarisassat

Pissutsit atuuttut

Atuiffik 2 Teknikkimi aamma atuiffik 6 Pilersuivinni missingersuutaasuniit annertunerusumik annikinnerusumillu atuneq patsisaalluni, atuiffik 2-mut aamma 6-imut oqimaaqatigiitsitsinerit malillugit nuutsisoqarnikuuvoq, ukiup missingersuusiorfiusup 2017-ip sinneranut atuinermut nalilersuineq malillugu missingersuutit malitsinneqarnissaanik qulakkeerisussamik. Ukiup siulianut sanilliullugu nuutsinerni aningaasat annertussusaat annikitsunnguupput.

Atuilluartuunissakkut kingunerisinnaasai

Aningaasaqarnikkut allaffissornikkullu kingunerisinnaasai

Aningaasat qanoq annertutigisut nuutsinneqarsimanersut ilanngussa q 1-imi takuneqarsinnaapput, atuiffiillu eqqorneqartut kisimik ilanngunneqarnikuullutik.

Atuiffik 2-mi 6-imilu Sisimiunut, Sarfanguanut, Itillimut Kangerlussuarmullu tunngasuni nuutsisoqarnikuuvoq.

Ataani eqitsimmi aningaasat minusiusunut ima isumaqarpoq, aningaasat atuiffimmi pingaarnerusumi 2-mi imaluunniit 6-imi atuiffimmut allamut nuunneqarsimasut.

Atuiffik 2 TEKNIK ataani tullinnguuttutigut nuutsisoqarnikuuvoq

Atuiffiup normua	Atuiffiup taaguutaa:	Aningaa.	Aningaasat nuutsinneqartut	Aningaasaliissut nutaaq
20	Aqquserngit, ikaartarfiit majuartarfiillu	2.690 mio. kr.	-1.421 mio. kr.	1.269 mio. kr.
21	Saligaatsuutisineq aputaajaanerlu	0,428 mio. kr.	0,170 mio. kr.	0,598 mio. kr.
22	Pisuussutit uumassusillit	0,238 mio. kr.	-0,100 mio. kr.	0,138 mio. kr.
23	Kommunip suliffeqarfiutai assigiinngitsut - illut sullissiviit, uffarfiit errorsisarfiillu	0,993 mio. kr.	0,515 mio. kr.	1,508 mio. kr.
25	Qatserutaasivik	1.587 mio kr.	0,500 mio kr.	2.087 mio kr.
27	Teknikkikkut suliffeqarfiit allat - Kommunip sannavia	4.562 mio. kr.	-1.220 mio. kr.	3.342 mio. kr.
KT 2	TEKNIKKI KATILLUGIT	Katillugit: 10.498 mio. kr.	Katillugit: -1.556 mio. kr.	Katillugit: 8.942 mio. kr.

Atuiffik 6 PILERSUINEQ ataani tullinnguuttutigit nuutsisoqarnikuvoq

Atuiffiup normua	Atuiffiup taaguutaa:	Aningaa.	Aningaasat nuutsinneqartut	Aningaasaliissut nutaaq
66	Pilersuineq.	0,920	0,182	1.102
68	Pilersuiviit allat	-0,255	1.374	1.619
KT 6	Pilersuiviit katillugit	Katillugit: 0,665 mio. kr.	Katillugit: 1.556 mio. kr.	Katillugit: 2.221 mio. kr.

Atuiffiik 2 Teknikki aamma atuiffik 6 Pilersuiviit katillugit

Atuiffiup normua	Atuiffiup taaguutaa:	Aningaa.	Aningaasat nuutsinneqartut	Aningaasaliissut nutaaq
2	Teknikki	10.498 mio. kr.	-1.556 mio. kr.	8.942 mio. kr.
6	Pilersuineq	0,665mio. kr.	1.556 mio. kr.	2.221mio. kr.
Kt 2+6 katillugit	Teknikki Pilersuiviillu katillugit	11.163 mio. kr.	0kr.	11.163 mio. kr.

Qullersaqarfiup oqaaseqaatai

Annerusumik oqaaseqaatissaqanngilaq.

Allaffeqarfiup naliliinera

2017-imi oktobarip naalernerani oqimaatigiitsitsineq malillugu nuutsinerit ingerlanneqarput. Tamanna isumaqarpoq, kiassaateqarfimmit isertitat, akissarsianut aningaasartuutit, eqqaavilerinermut il.il. akiliutit oktobarimi takuneqarsinnaanngitsut.

Atuiffik 2 TEKNIKKI-mit 1.556 mio. koruunit katillugit atuiffik 6 pilersuinermit nuutsinneqarput.

Atuiffik 6 pilersuinermit, "kiassaateqarfimmit tunisinermit isertitat" ataanni, tunisinissanut missingersuutaasut anguneqarsinnaanngitsut nalilerneqarmat, atuiffik 2-mit 1.498 mio. koruunit nuutsinneqarput.

Nuutsinerit tamarmik missingersuutitigit aningaasartuuteqarfiunngillat.

Innersuussut

Teknikkimut Avatangiisinullu immikkoortortap Teknikkeqarnermut, Aatsitassarsiornermut Avatangiisinullu ataatsimiititaliamut akuereqqullugu innersuussutigaa,

Atuiffik 2 TEKNIK-imi aamma atuiffik 6 PILERSUIVIIT-ni, ukiumi missingersuusiorfiusumut 2017-imit nuutsinissatut siunnersuutaasut ingerlanneqassasut

Aalajangiineq:

Akuersissutigineqarpoq.

Ilanngussat:

1. Atuiffik 2 aamma 6 aningaasaliissutaaqqaartut, nuutsinerit nutaamillu aningaasaliinertallit.

Imm. 05 Missingersuutitigut nuutsinissat 2017, Maniitsoq

Journalnr. 06.01.02

Tunuliaqutaq

Atuiffik 2 Teknikkimut aamma atuiffik 6 Pilersuinermit ingerlatsinermit missingersuutininik 2017-ip sinneranut nalimmassaanermit missingersuutitigut arlalitsigut nuutsisoqarnissaanik Maniitsumi Teknikkimut Avatangiisinullu immikkoortortaq qinnuteqaateqarpoq.

Maleruagassatigut tunngavissat

Qeqqata Kommuniata karseqarnermut naatsorsuuserinermullu malittarisassaq.

Pissutsit atuuttut

Ukiup taamaalinerani ukiup sinneranut missingersuutininik nalimmassaasoqartarneranik pisariaqartitsisoqartarnera nalinginnaasuuvoq.

Iluarsiissutit annertunersai aputaajaanermit ikuallaaveqarnermullu tunngasuupput.

2017-imi ukiukkut upernaakkullu annertuumik apinera, aputaajaasarnermut missingersuutininik qaangiinnermut annertuumik sunniuteqarpoq.

Qaammatini marlussunni ikuallaaviup iluarsaanneqarnera aammalu kingoraartissanik sivisuumik utaaqqisoqarneratigut uninnganikummat, ikuallaavimmit kissamik tunisinermi isertitat naatsorsuutigisamit 2017-imi annikinnerussapput.

Illuatungaatigulli inissianik ingutserinerit pissutaallutik eqqaavissuarmi akiliutinit naatsorsuutigisamiit amerlanerusunik isertitsisoqarpoq.

Sanaartornermut tunngasuni inissianik nutarterinermit aningaasaliissutiniit sumiiffinni aalajangersimasuni illunut sanariaannarnut aningaasanik nuutsisoqassaaq.

Aningaasaqarnikkut allaffissornikkullu kingunerisinnaasai

Nuutsinerit missingersuutitigut aningaasartuutaanngitsut pineqarmata soqanngilaq.

Qullersaqarfiup oqaaseqaatai

Oqaaseseqaatissaqanngilaq.

Allaffeqarfiup naliliinera

Nuutsinissatut siunnersuutaasutigut 2017-ip sinnerani missingersuutit atuinermit naapertuutilissasut naatsorsuutigineqarpoq.

Innersuussut

Teknikkimut Avatangiisinullu immikkoortortap Teknikkeqarnermut Aatsitassarsiornermut Avatangiisinullu ataatsimiititaliamut innersuussutigaa, nuutsinissamut qinnuteqaatigineqartut akuersissutigineqassasut.

Aalajangiineq

Akuersissutigineqarpoq.

Ilanngussat

1. Nuutsinissat pillugit eqitsit

**Imm. 06 Mittarfikup eqqaani inuussutissarsiornermut immikkoortumi B8.2-mi
sanaartorfissagissaaneq.**

Journalnr. 17.02. Kt 77-12.

Tunuliaqutaq

Kommunip pilersaaruserfigineqarneranut tapiliusaaq nr. 24, Sisimiuni Kangerluarsunnguami mittarfikumilu inuussutissarsiornermut immikkoortoq B8, 2017-imi aggustip 31-ani Kommunalbestyrelsip akuersissutigaa. Matumani nunaminertamik atugassinneqartut, sanaartorfissagissaanermut aningaasartuutinik akileeqaataanissaat aalajangerneqarpoq. Sanaartorfissagissaanermut aningaasartuutit kiisalu nunaminertamik qinnuteqartunut m2-mut akit aalajangiiffigineqariarpata, nunaminertat saqqummiunneqassapput qinnuteqarfigineqarsinnaanngorlutillu. 2017-imut kommunip missingersuutaani atuiffik 77-12-10-mut mittarfikup eqqaani inuussutissarsiortunut immikkoortumut sanaartorfissagissaanissamut 3 mil. koruunit immikkoortinneqarput.

Maleruagassatigut tunngavissat

Teknikkeqarnermut, Aatsitassarsiornermut Avatangiisinullu ataatsimiititaliaq atuiffik 77-imut (sanaartorfissagissaaneq) akisussaasuvoq. Kommunip pilersaaruserfigineqarnera nunaminertanik atugassiinermut aalajangersaaffilik.

Pissutsit atuuttut

Kommunip pilersaaruserfigineqarneranut tapiliussami immikkoortoq immikkuualuttunut arfineq-pingasunut agguataarneqarpoq B8.1 – B8.8, immikkoortoq B8.1 sanaartorfissagissarneqareerpoq ilaatigullu nunaminertat atugassinneqareerlutik, mittarfikup eqqaani immikkoortoq B8.2 fase 1-imik sanaartorfissagissarneqarnissaa immikkoortinneqarpoq. Innersuussummi matumani B8.3 – B8.8-mi fase 2-4-mik sanaartorfissagissarnissaat ilanngunneqanngillat. 2011-13-imi B8.1-ip sanaartorfissagissarneqarneranut atatillugu, pingaarnertut innaallagissamut, imermut kuuffissuarmullu attaviliisoqareernikuvoq. B8.1-imi nunaminertat tamarmik maannakkut atugassiissutigineqareerput sanaartorfioerlutillu, sanaartukkalli imermut kuuffissuarmullu attavilerneqarnikuunatik, taamaallaat innaallagissamut. B8.2-mi nunaminertat pingasut kitaatungaaniittut atugassiissutigineqareerput, siusinnerusukkullu pilersaaruserfigineqarnermut tunngavik naapertorlugu B-2046, B-1994 aamma B-1355-mik sanaartorfioerlutik, ilanngusaaq 1 takuuk. Sanaartorfissagissaanissamut matumunnga nunaminertat pingasuusut atugassiissutigineqareersut sanaartorfioersullu ilaatinneqanngillat, innaallagissamut, imermut kuuffissuarmullu pisariaqartinneqartunik atortulersoreersimasutut isigineqarmata. Aningaasartuutaasimasut naapertorlugit akiliuteqarnikkut, sanaartorfissagissaanermut nutaamut kingusinnerusukkut ilanngussinnaapput.

Atuilluartuunissakkut kingunerisinnaasai

Nunaminertanik sanaartorfioersunik immikkoortitsinermi, inuussutissarsiutillit kissaataat kommunimit malinneqarpoq. Inuussutissarsiutillit sanaartugaat attavilersinneqanngippata, imermut kuuffissuarmullu attavinnik pilersitsinermit aningaasanik atuneq atuilluartuunngilaq. Imermut tankimut immerneqartarneq kiisalu imermik mingunnikumik imaartittarneq nukinnik atuineruvoq. Imermik atuneq annikippat attavillu takippat, taava imermut attavinnut qerinarveersaatitut innaallagissamik atuneq pajutsittarnermit annertunerisnaavoq.

Aningaasaqarnikkut allaffissornikkullu kingunerisinnaasai

Aqqusinertaarsuarmulli aqqusinermik allannortitsinissaq aamma kommunip pilersaarusiortifigineqarneranut tapiliussami ilaatinneqarpoq, nunaminertat dd+d atugassiissutigineqarsinnaanissaannut, aqqusinermik allannortitsineq pisariaqarpoq. Pingaarnertut aqquserngup allannortinneqarnissaa sumiiffimmi sanaartornerunngilaq, kingusinnerusukkulli aningaasaliiffigineqarpat pingaarnertut sanaartorfissagissaanerussaq. Aqqusineq pioreersoq atorneqarallarsinnaavoq, taamaalillunilu allannortitsinissaq maannakkut pisariaqarani. Taamaalilluni immikkoortoq dd sanaartorfissagissaareernerup kingorna atugassiissutigineqarsinnaavoq, kitaatungaani immikkoortoq d minillugu. Aqqusineq allannortinneqareerpat, nunaminertaq d aatsaat sanaartorfissagissarneqarsinnaavoq, tamannalu aqquserngup allannortinneqarneranut atatillugu ingerlanneqarsinnaalluni. Ilanngussaq 4-mi alliliinissamut sanaartorfissagissaanermut aningaasartuutitut takussutissiami siullermi nunaminertaq d taamaalilluni ilaatinneqanngilaq. Ilanngussaq 3-mi sanaartorfissat, kommunip pilersaarusiortifigineqarneranut tapiliussamit ilanngussaq 2-mut aqqiissuteqarfigineqarput, taamaalillutillu naqinnernik taaguuserneqarlutik.

B8.2-p sanaartorfissagissarneqarnissaata annertussusissaanut periarfissat arlaliupput:

1. Innaallagissamut 220/380V-mik sakkortussusilimmuut taamaallaat attaviliineq, tassani innaallagissamut sakkukitsumut (LSP) pilersuinerneq aqqusiisoqarluni, kabelskabinillu ikkussuisoqarluni, taakkunanga nunaminertanut innaallagissanut ikkuffiliisoqarfinnaalluni. Nunaminertat o-f kujataatungaaniittut, Knud Rasmussenip Højskoliata eqqaanit sakkortusaavimmit pilersorneqarput, avannaatungaaniittullu nunaminertat aa-dd immikkoortoq B8.1-imi sakkortusaavimmit nutaamit B-2027-mit pilersorneqarlutik. Nunaminertat aa-dd eqqaani aqqusineq sinerlugu tamarmik qullersuaqarput. Nunaminertat o-f-ip eqqaani kabelskabinik pilersitsinerneq qullersuit ataasiakkaat ikkussuunneqassapput. Nalinginnaasunik kabelskabinik ikkussuilluni innaallagialerineq kisimi pineqarmat, innaallagialerisunut tooqqaannartumik neqeroortitsisoqarsinnaavoq, tamatumunngalu 2018-imi aasakkut naammassisussanngorlugu ukiuunerani suliariumannittussarsiuunneqarsinnaavoq.
2. Nunaminertani aa-dd aammalu g-f-imi saannguujaneq/ujaraaraajaneq kiisalu qaqqajunnanik minnerusunik qaartiterineq annerpaamik 1,5 mil. koruuninik akeqassaaq. Taamaalilluni qaqqat minnerusut kisimik qaartiterneqassapput, qaartiternerlukullu saannguujanermi putunngorsimasumut immiutigineqarsinnaapput, taamaalilluni nunaminertaq maninnerulissalluni. Nunamik suliaqarneq annerpaamik aningaasaliissutinik ingerlanneqartussaammat, nunamik suliaqarnermut akit, 2018-imi ukiukkut-upernaakkut suliarisassanngorlugu, toqqaannartumik neqeroortitsisoqarsinnaavoq.
3. Nunaminertani aa-dd-mi qaartiterinikkut kiisalu nunaminertat o-f-imi annikinnerusumik qaartiternerlukunik manissaanikkut naleqqussaaneq. Taamaalilluni nunaminertat ataasiakkaat akornanni nunaminertaq annertoq maninnerusooq pissarsiarineqassaaq, tamannalu nunaminertanik atuilluarnermik kinguneqassalluni. Ilanngussaq 2-mi 3-milu tungujortumik qalipaasigaq tamarmi qaartiterneqassapput, taava immikkoortut kujataatungaani qaqqaq 18 meterit missaanik portussuseqassaaq, qaartitigarlu 100.000m³ angullugit annertussuseqarluni, 20 mil. koruunit sinnerlugit naleqassaaq. Avannarlerpaartaani 20 meterit missaanik illumut kisimi qaartiterisoqarnissaa siunnersuutigineqarpoq, taamaalilluni qaartitigaq annerpaamik 6 meterinik portussuseqassaaq qaartiternerlukullu 16.000 m³-it missaaniissallutik. Qaartiternerlukut sinneruttut Akia C14/15-imi aqqusinniornermut atorneqarsinnaapput. Suliassamut tassunga qaartiternerlukut qanoq annertutigissanersut pillugit pilersaarusiortoqassaaq. Pilersaarummi B-missiliuut naapertorlugu aningaasaliissutinut killigitaq annertusineqassaaq. 2018-imi

aasaanerani-ukiakkut ingerlanneqartussanngorlugu, ukiup ingerlanerani pilersaarusiorneq ingerlanneqassaaq.

4. Sanaartorfissani aa-dd-f-o-mi imermut kuuffissuarmullu attaviliinissaq ilanngullugu. Ingerlavissaani annerpaartaani qaqqaq qaartiterlugu ingerlanneqartussaamat kiisalu attavik ammut ingerlaveqarnissaa eqqarsaatigalugu, sanaartorfissat c-g-mi annertuumi itersaasoqartussaamat, kuuffissuarmut attaviliinissaq akisungaatsiassaaq. Taamatuttaaq imermut attavik tassuuna ingerlatinneqassalluni. Suliassamut tassunga nunamik suliaqarnissamut, ruujoriliinissamut innaallagialiinissamullu pilersaarusiortoqassaaq. Pilersaarummi B-missiliuut naapertorlugu aningaasaliissutinut killigititaq annertusineqassaaq. 2018-imi pilersuiviit ingerlavissaanik ingerlatsinissamut kiisalu 2019-imi aasaanerani pilersuineranut aqutinik ikkussuinissamut, ukiumi pilersaarusiorneq ingerlanneqarsinnaavoq.

Sanaartorfissagissaanernut ataasiakkaanut aningaasartuutissat eqitsimmut tulliuuttumut ikkussorneqarnikuupput:

Alliliinissap annertussusaa:	ilanngussaq 2 aamma 3-mi nunaminertat	Sanaartornermut akit mil. kr.	Nunaminertamut ataatsimut akit, agguaqatigiisillugu kr./amerl.
1 innaallagissamut qullersuarnullu taamaallaat	aa - o	1,5	93.750
2 paaaneq + qaartiterineq annerp. 1,5M	aa – dd + g-f	1,5	93.750
3 20m qaartiterineq assartuinerlu	aa– dd	5,0	312.500
4 Imermut kuuffissuarmullu attaviliineq	aa - o	7,2	450.000
Katillugit	aa - o	15,2	950.000

Sanaartorfissagissaanernut aningaasartuutit nunaminertanut 16-iusunut kr./m2-mut assigiissaarlugit agguataarneqassapput, sanaartorfissaq d aqquserngup allanngortiterneqartinnagu sanaartorfissagissarneqarsinnaanngitsoq ilanngunnagu.

Innaallagissamut + imermut/kuuffissuarmut attavilerlugit + qaartitserisoqartillugu

sanaartorfissagissaasoqassappat, sanaartorfissagissaanernut akit ataatsimoortinneqassapput.

Agguaqatigiisillugu akitut nalunaarsorlugit, inuussutissarsiorlumut nunaminertamut ataatsimut akit eqitsimmi paasiuminarsarlugit nalunaarsoqqapput, tassa nunaminertamut ataatsimut assigiissaarlugit.

Nunaminertap annertussusaa apeqqutaalluni, aki m2-imut suliarineqartumut naatsorsorneqassaaq, tamannalu ilanngussaq 4-mi allassimalluni.

Qullersaqarfiup oqaaseqaatai

-.

Allaffeqarfiup naliliinera

Allaffeqarfiup nalilerneqarpoq, sanaartorfissani aa-dd-mi annertuumik qaartitserinissaq akisuallaarujussuortoq, pingaartumik eqqaani qaartiternerlukunik atorfissaqartitsisunik pilersaaruteqannginnera eqqarsaatigalugu, Akia C14-mut assartuinissaq takillunilu akisussaaq.

B8.2 tamakkerluni sanaartorfigisinnaaqqullugu mittarfikoq atorunnaarsinneqassappat,

sanaartorfissagissaanernut aningaasartuutit annikitsumik qaffariaateqassapput, taamaattorli

sanaartorfissanut amerlanerusunut aningaasartuutit agguataarneqarneratigut, sanaartorfissamut ataatsimut sanaartorfissagissaaneq akikinnerulaassaaq. Mittarfikup atorunnaarsinneqarneratigut,

kingusinnerusukkut imermut kuuffissuarmullu attaviliinissamut sanaartorfissagissaanermut akisunerusumut kinguartitsineruvoq.

Sanaartorfissanut nunaminertamik atugasseereernermi imermut kuuffissuarmullu kingusinnerusukkut attaviliisoqarsinnaavoq, sanaartukkanut naleqqussarnerullugit ingerlanneqarsinnaalluni.

Alliliinissamut annertussuseq 3 aammalu/imaluunniit annertussuseq 4 toqqarneqassagalarpat, 3 mil. koruuninik aningaasaliissuteqarluni killiliussat iluini ingerlanneqarsinnaanani. Taamaattoqassappat pilersaarusiortoqassaaq, suliffeqarfimmiillu siunnersortiusumit B-missiliuut tiguneqariarpat, suliap aallartinneqannginnerani aningaasaliissutissatut amigaatigineqartut ikkunneqassappat.

Alliliinissamut annertussuseq 1 aamma/imaluunniit 2, 2018-imi aasaanerani naammassisussanngorlugit suliariumannittussarsiorneqarsinnaassappat, taamaalilluni 2018-imi ukiakkut nunaminertanik atugassiineq ingerlanneqarsinnaalissalluni.

Innersuussut

Teknikkimut Avatangiisinullu immikkoortortamit, Teknikkeqarnermut, Aatsitassarsiornermut Avatangiisinullu ataatsimiititaliamit akuerisassanngorlugu innersuussusutigineqarpoq:

Alliliinissamut annertussutsit 1-4-mi sanaartorfissagissaanissamut annertussusissaq/sat ataaseq arlallilluunniit suut toqqarneqassanersut oqaluserineqassasoq. Annertussuseq 1-2 toqqarneqassappat, suliariumannittussarsiuussisoqassasoq, annertussuseq 3-4 toqqarneqassappat, siunnersuisumut pilersaarusiorneqarnissaanut suliariumannittussarsiuussisoqassasoq.

Aalajangiineq.

Periarfissat 1 aamma 2 akuersissutigineqarput.

Ilanngussat

1. Attaviit pioreersut, B8.1+B8.2, 1:2000, oktober 2017.
2. B8.2 sanaartorfissagissaanissamut siunnersuut, miss. 1:2000, oktober 2017.
3. Nunaminertat aa-o, pilersaarusiornermi titartagaq.
4. Nunaminertanut ataasiakkaanut sanaartorfissagissaanermi aningaasartuutit.

Imm. 07 Maniitsumi arsaattarfik ivigaaraasalik.

Journalnr. 06.02.01

Tunuliaqutaq

Kommunalbestyrelsip 2017-imi oktobarip 26-ani ataatsimiinnermini, Maniitsumi arsaattarfiup ivigaaraasalersorneqarnissaanut immikkut aningaasaliissutissat eqqartorpai. Tamanna sioqqullugu suliaq Teknikkeqarnermut, Aatsitassarsiornermut Avatangiisinullu ataatsimiititaliamit 2017-imi oktobarip qulingani eqqartorneqarpoq.

Arsaattarfiit angissusissaannut tunngatillugu siunissami piumasaqaataasussat pillugit Kalaallit Nunaanni Arsaattartut Kattuffianit (KAK) nalunaarutigineqartut assigiinngitsut patsisaallutik, suliaq Teknikkeqarnermut, Aatsitassarsiornermut Avatangiisinullu ataatsimiititaliamut utertinneqaqqippoq.

Maleruagassatigut tunngavissat

GBU unammersuarnermi malittarisassat.

Arsaattarfiit angissusissaannut tunngatillugu, kommunimi malittarisassaqaqqanngilaq.

Pissutsit atuuttut

Teknikkeqarnermut, Aatsitassarsiornermut Avatangiisinullu ataatsimiititaliap suliamik suliarinninnissaanut atatillugu, siunissami arsaattarfiit Kalaallit Nunaanni pissartanngorniunnerni atorneqarsinnaanissaanni angissusissaannut tunngatillugu piumasaqaataasussat pillugit, allaffeqarfik KAK-mit oqaaseqaammik noqqaavoq. Allakkami 2017-imi septembarip arfernganeersumi (ilanggussaq 1) siulittaasuugallartup Gert Fleischer-ip paasisutissiissutigaa, Kalaallit Nunaanni pissartanngorniunnissanut arsaattarfiit angissusissaattut piumasaqaatigineqartussaq 68 x 105 meteriussasoq (FIFA--p piumasaqaataatut angitigisoq). Paasisutissiissut taanna Teknikkeqarnermut, Aatsitassarsiornermut Avatangiisinullu ataatsimiititaliamut aamma Kommunalbestyrelsimut suliamik saqqummiussinermi ilanngunneqarpoq.

Malitsigisaanik KAK nutaamik siulittaasortarpoq, kommunalbestyrelsillu suliamik suliarinninnissaa sioqqullugu, kommunalbestyrelsimut ilaasortap Hans Frederik Olsen-ip, siulittaasunngortoq John Thorsen oqaaseqaasioqqusimallugu. Tassani John Thorsen-ip paasisutissiissutigaa, nunat tamalaat akornanni pissartanngorniuttoqarnissaani angissutsitut piumasaqaataasooq FIFA-p piumasaqaataatut angitigissasoq, kisiannili Kalaallit Nunaata iluani unammersuarnernut, matumani Kalaallit Nunaanni pissartanngorniunnissanut tunngatillugu piumasaqaataassanngitsoq. Arsaattarfiit angissusissaannut tunngatillugu piumasaqaataasussat pillugit KAK takussutissiaqarpoq (ilanggussaq 2). Maniitsumi arsaattarfik qaartiterisoqarani 56 x 100 meterinngorsinnaavoq, taamaattumillu Kalaallit Nunaanni pissartanngorniunnissani arsaaffigineqarsinnaassalluni, soorlu tamanna John Thorsen-ip maileruteqarnermini uppersaraa.

Atuilluartuunissakkut kingunerisinnaasai

Aningaasaqarnikkut allaffissornikkullu kingunerisinnaasai

Qaartiterisoqarani arsaattarfiup anginerpaaffigisinnaasaani ivigaaraasalersuisitsinissamut, 2.543.000 koruuninik immikkut aningaasaliissuteqartoqarnissaa pisariaqarpoq.

Angissusissatut FIFA-p piumasaqaataa naapertorlugi arsaattarfiup ivigaaraasalersorneqarnissaanut, 9.594.000 koruuninik immikkut aningaasaliissuteqartoqarnissaa pisariaqarpoq.

Qaartiterisoqarani arsaattarfik minnerusoq ivigaaraasalersorneqassasoq toqqarneqassappat, siunissami KAK-p piumasaqaatini allanngortissagaluarpagit arsaattarfik allilerneqarsinnaassaaq.

Qullersaqarfiup oqaaseqaatai

Oqaaseqaatissaqanngilaq.

Allaffeqarfiup naliliinera

Nunap iluani unammersuarnissani arsaattarfiit angissusissaannut tunngatillugu KAK kisimi piumasaqaasiortarpoq. Piumasaqaatit qanoq ittuussanersut KAK-mi isummat assigiissimanngitsut paasinarsivoq, Kalaallit Nunaannili pissartanngorniuttoqarnissaanut arsaattarfiit FIFA-p piumasaqaataattut angitiginissaannik massakkut siulersuisut piumasaqaatiginngilaat.

Innersuussut

Teknikkeqarnermut, Aatsitassarsiornermut Avatangiisinullu ataatsimiititaliamut, Aningaasaqarnermut ataatsimiititaliamut, Kommunalbestyrelsimullu innersuussutigineqarpoq, tulliuttumi toqqaqqullugit:

1. 2.543.000 koruuninik immikkut aningaasaliissuteqarluni arsaattarfimmik 56 x 100 meterimik pilersitsisoqassasoq.
2. 9.594.000 koruuninik immikkut aningaasaliissuteqartoqarluni, FIFA-p piumasaqaataanut naapertuuttumik arsaattarfimmik 68 x 105 meterimik pilersitsisoqassasoq.

Aalajangiineq

Maniitsumi innuttaasunik ataatsimiisitsinissaq pissutigalugu aaliangerneqarpoq immikkut ittumik ataatsimiittoqassasoq 13. november nalunaaqutaq ataatsinut.

Kissaatigineqarpoq Maniitsumi arsaattarfiup oqaluttuassartaa ilanngunneqassasoq.

Ilanngussat

1. Gert Fleischer-imit allakkat 2017-imi septembarip arfernganeersut
2. John Thorsen-imit allakkat 2017-imi oktobarip 25-aneersut

Imm.08 Qeqqata Kommunianut Kukkuersuisut nalunaarutaat nr. 26

Journalnr. 06.04.01

Tunuliaqutaq

BDO Kukkuersuisut tulliuuttut nassiuppai

- 2016-imut kommunit naatsorsuutaanni Namminersorlutik Oqartussani suliaqarfinnik Kukkuersuiueq pillugu nalunaarut nr. 25 - Ukiumut naatsorsuuseriffiusumut 2016-imut nalunaarut ilaannakortoq
- 2016-imi naatsorsuutit kukkuersiorneqarnerat pillugu nalunaarut nr. 26 - Ukiumut naatsorsuuseriffiusumut 2016-imut inaarutaasumik kukkuersuiueq

Aningaasaqarnermut pisortap allakkatigut 2017-imi septembarip qulingiluaaneersutigut ataatsimiititaliat piumaffigai, susassaqrifimmi iluini Kukkuersuisut oqaaseqaataannut akissuteqaasiussasut.

Maleruagassatigut tunngavissat

Aqutsinermut inatsimmi § 48 imm. 5 naapertorlugu, kukkuersuisut oqaaseqaataat kommunalbestyrelsimit akineqartussaataitaapput, aalajangiisoqareerpallu akissuteqaatit Nakkutilliisoqarfimmut nassiunneqassallutik.

Pissutsit atuuttut

Teknikkeqarnermut, Aatsitassiornermut Avatangiisinullu ataatsimiititaliamut tunngatillugu kukkuersuisut nalunaarutiminni nr. 25-mi oqaaseqaasiorsimangillat.

Kukkuersuisut nalunaarumminni nr. 26-mi, Teknikkeqarnermut, Aatsitassarsiornermut Avatangiisinullu ataatsimiititaliap akisussaaffiitut marlussunnik oqaaseqaasiorsimapput:

Isumaqatigiissutinut (imm. 1.5.2.4) pillugit tullinnguuttutigit kukkuersuisut oqaaseqaateqarput: "Ingerlatsinerit arlaqartut kommunip namminersortunngorsarnikuuai.

Tuniniaasunut namminersortunut isumaqatigiissutigineqartuni immikkoortunik Kukkuersuisut misissuisimapput. Misissuinerimi kukkuluttortarnerit tullinnguuttut saqqummiunneqarput:

- Ukiumut akitigut naleqqussaansamut tuniniaasooq kommunilu isumaqatigiinngillat
- Akitigut naleqqussaansamut kukkusumik naatsorsuisoqartarpoq
- Akitigut naleqqussaasoqarsimangilaq
- Isumaqatigiissut atorunnaarsimavoq, tuniniaasumullu akiliisarneq suli ingerlalluni.

Kukkuersuisut innersuussutigaat, isumaqatigiissutinik kommunip aqutsinini sukateriffigissagaa. Isumaqatigiissutit arlaqartut, piffissami sivisoorujussuarmi atorunnaarsinneqarsinnaaneq ajorput. Aqutsinermut inatsisip § 47-ani imm. 1-imi nr. 1 naapertorlugu kukkuersuisut innersuussutigaat, pisussaaffik misissoriarlugu ukiumoortumik nalunaarummi paasissutissiissutigineqassasooq".

Oqaatigineqassaaq, siullertut eqqaaneqartut marluk Teknikkeqarnermut, Aatsitassarsiornermut Avatangiisinullu ataatsimiititaliap akisussaaffiisa ataaniinngimmata, taamaattorli naleqqussaaneq isumaqatigiissutillu atorunnaarsimaneq ataatsimiititaliap akisussaaffiisa iluaniillutik.

Isumaqatigiissut atorunnaarsimasooq eqqarsaatigalugu, Teknikkeqarnermut, Aatsitassarsiornermut Avatangiisinullu ataatsimiititaliamut aalajangiiffigisassanngorlugu saqqummiunneqarnikuunngitsoq, isumaqatigiissut naapertorlugu tuniniaasup ingerlatsinini ingerlatiinnarsimavaa.

Sanaartornermut tunngasut pillugit tullinnguuttutigit kukkuersuisut oqaaseqaateqarput (imm. 1.5.2.5):

"Sanaartukkani naammassinikuni ingerlasunilu misissuunitsinnut atatillugu paasivarput, Namminersorlutik Oqartussanit tapiissutit 3.226 t. koruunit 2016-imi decembarip 31-ani utertinneqarsimangitsut, isertitatullu allanneqarsimangitsut. Aningaasat annertunersaat Maniitsumi innarluutilinnut inissianut tungassuteqarput. Piffissalersuineq, akiliisinnaassuseqarnerli aamma ilanngullugu kukkunerisuisut innersuussutigaat, Namminersorlutik Oqartussanit sanaartornermut tapiissutit utertitassat akulikinnerusumik utertinneqartassasut, matumani aamma ukiumut naatsorsuutit naammassineqarnerinut atatillugu."

Atuilluartuunissakkut kingunerisinnaasai

Ineriartortitsinerup atuilluartup kingunerissavaa, kukkunerisuisunit oqaaseqaatit ikilinerat.

Aningaasaqarnikkut allaffissornikkullu kingunerisinnaasai

Teknikkeqarnermut, Aatsitassarsiornermut Avatangiisinullu ataatsimiititaliap akisussaaffiisa iluini kukkunerisuisut oqaaseqaataat, kommunip aningaasaqarneranut annikitsumik sunnuteqarpoq. Isumaqatigiissutinik nakkutiginninnermi akitigut naleqqussaasoqarneq ajorpat, kommunip aningaasartuutai annikinnerussapput. Sanaartortitsinermi utertitassat sulii utertinneqanngitsuni erniaritinneqartoq ima annikitsigaaq, utertitassat ingerlaannaq utertinneqaraluarpataluunniit nikinganera annertunaviarani. Utertitassat eqqortumik tiguneqartarnissaat pingaarnaruvoq. Kukkunerisuisut tungaanninngaaniit oqaaseqaateqartarnissaq pisariaqarmat, allaffissornikkut naammagisimaarnanngilaq.

Allaffeqarfiup naliliinera

Isumaqatigiissutinik aqutsineq pillugu oqaaseqaat eqqarsaatigalugu, akitigut naleqqussaasoqarumaarpoq. Isumaqatigiissutit sivitsorneqarnissaat pillugu ataatsimiititaliamut suliamik saqqummiussineq ajornermut tunngatillugu oqaaseqaat eqqarsaatigalugu, ataatsimiititaliap matoqqasumik ataatsimiinnissaani suliaq aalajangiiffigisassanngorlugi saqqummiunneqassaaq.

Sanaartortitsinermut tunngatillugu oqaaseqaat eqqarsaatigalugu, utertitassat eqqortut utertinneqarput. Namminersorlutik Oqartussanit tapiissutinik tigusinissamik suliat piffissamik atuinarput, taamaattumillu taakkunanngarnit suliat nukinginnarnerusut salliunneqakkajunnerusarlutik. Sanaartortitsinermi suliap naammassineqarnerani tapiissutit tamakkiisut tiguneqartarnissaa pingaartumik eqqumaffigineqartarpoq, tamakkulu eqqumaffigineqartuaannarlutik. Namminersorlutik Oqartussanit tapiissutit naatsorsorneqarnerat, sanaartortitsinermi inaarutaasumik naatsorsuutini allassimasarput.

Innersuussut

Teknikkeqarnermut, Aatsitassanut Avatangiisinullu ataatsimiititaliamut innersuussutigineqarpoq, allaffeqarfiup naliliinerata ataani kukkunerisuisut nalunaarutaannik akissuteqaatissatut siunnersuutit saqqummiunneqartoq akuersissutigineqassasoq

Aalajangiineq

Innersuussut akuerineqarpoq.

Ataatsimiititaliami ilaasortap Frederik Olsen-ip "allaffeqarfiup naliliinera"-ta ataani oqaaseqatigiit siulliit marluk iluanni oqaatsit atorneqarsimasut pillugit naammaginninnginnini oqaatigaa.

Ilanngussat

1. Kukkunerisuisut nalunaarutaat nr. 25
2. Kukkunerisuisut nalunaarutaat nr. 26

Imm.09 Tamalaat.

Frederik Olsen – Sisimiut

Ikuallaaviup pitsanngortinneqarnissaa periarfissaanersoq namminersortunngorsarneqarsinnaanersorlu allaffeqarfiup misissorsinnaaneraa apeqquteqaataavoq, tullissaanilu ataatsimiinnissami oqaluuserisassani immikkoortutut ilanngunneqassasoq kissaatigalugu.

Tassunga allaffeqarfik akissuteqarpoq, kommunimi taamaalillunilu Sisimiuni eqqakkanik suliarinnittarnerit eqqagassalerinermi pilersaarutitut suliarineqarlutik aallartereermata. Suliniut annertooujussuuvoq, naammassinissaalu sulissutigineqarluni.

Sisimiuni sissami puttasut eqqaat sikugaangat qaanngunillunilu, puttasunut missingersuusiat atorlugit ukiuunerani pitsanngorsaasoqartarsinnaannginnersoq Frederik Olsen aperivoq. Allaffeqarfiup suliaq misissussavaa.

Malene Ingemann – Sisimiut

Qimmilivinnut tunngatillugu apeqquteqaat kommunalbestyrelse-mi akuersissutigineqarnikumut tunngatillugu suliaq sumut killinnersoq Malene Ingenmann apeqqutigivaa. Tamanna nunaminertanut qimmilivittut tunniunneqartut killilimmik piffissalerneqannginnissaanut tunngassuteqarpoq.

Allaffeqarfiup suliaq kommunip pilersaarusionerqarneranut tunngassuteqarmat pilersaarusionermi pisortamut nassiuppaa. Kommunip pilersaarusionerfigineqarnera pilersaarusionermi pisortap aningaasaqarnermullu ataatsimiititaliap ataanniippoq.

Malene Ingemann-ip paaserusuppaa, nerisakut issunngortinneqartarnerannut suliniut sooq unitsinneqarsimanersoq.

Allaffeqarfik akivoq, suliniut piffissap aalajangersimasup iluani misiliutaannaasoq, ukioq mannalu ukiunilu aggersuni aningaasaliiffiqarsimanani. Eqqagassalerinermut pilersaarummi suliniummut killiffiusimasoq inernerillu nassuiarneqassapput.

Malene Ingemann-ip igalaaminernik igitsisarfiit aammalu qillertuusanut igitsisarfiit siunertaqarnersut paaserusuppaa.

Allaffeqarfik akivoq, piffissami matumani ikuallaavimmi kissassutsimik aqutsiniarnermut immikkoortiterisarneq iluaqutaasoq, taakkuummata kissamik annertuumik pilersitsisartut, ajornerpaamillu pisoqassagalarpat ikuallaaviup kissarsuutaanik sequmiisinnaasut. Ikuallaavimmut nutaamut ikaarsaarnermi ikuallaaviup nutaap piginnaasai eqqakkat aalajangersimasut siunertalimmik immikkoortittalerneqarnissaannut aalajangiisuususaapput, taakku pilersaarusionermit ilanngunneqarsinnaassallutik.

Ataatsimiinneq nal.10.17 naammassineqarpoq.